

ԴԵՊԻ ՄԵՄ ՀՈԿՏԵՄԲԵՐԻ 50-ԱՄՅԱԿԸ

Բ. Ա. ԽՈՒԴԱՎԵՐԴՅԱՆ

ԶԱՆԳԵԶՈՒՐԻ ԱԶԱՏԱԴՐՄԱՆ ՊԱՏՄՈՒԹՅՈՒՆԻՑ

Լենինյան դիտարկիչի ականավոր գործիչ Դ. Կ. Օրջոնիկիձեն ընդհանուր հետաքրքրությամբ հետևում էր Զանգեզուրում և նրան հարակից գավառներում ծավալվող իրադարձություններին։ Նա բոլշևիկ հեղափոխականին հատուկ կրթություն էր տալիս և հետևողականությամբ պայքարում էր որքան կարելի է շուտ և արագ ու ազատատենչ զանգեզուրցուն փրկել դաշնակցական և մոսավաթական ավանտյուրաներից։

«Հենց այստեղ, Անդրկովկասում, այդ երեք գավառներում էր թաքնված այսպես կոչված հայ և մոսկովմանական (ադրբեջանական) հարցի հանգույցը։ Մի հարց, որ դարձավ սարսափների աղբյուր, փոխադարձ ոչնչացման նպատակով աշխատավոր մոսկովմանին ու աշխատավոր հային իրար դեմ մղելու աղբյուր» — գրում էր Օրջոնիկիձեն այն տարիներին¹։

1918 թ. ամռանը Անդրկովկասը օկուպացվեց գերմանա-թուրքական դավթիչների կողմից։ Ասպատակելով ողջ Հայաստանը, թուրքական ջարդարարները կանգ առան Զանգեզուրի դարպասների առջև և ոչ մի կերպ չկարողացան ներս խուժել։

Անդրանիկ ղորավարն իր ջոկատի և տեղական աշխարհազորային խմբերի հետ միասին լուրջ հակահարված տվեց օսմանական դավթիչներին և գավառի բնակչությանը փրկեց անխուսափելի կործանումից։

1918 թ. աշնանը Դ. Կ. Օրջոնիկիձեն, որպես Սովետական Ռուսաստանի արտակարգ կոմիսար, գտնվում էր Հյուսիսային Կովկասում ու զլխավորում տեղական աշխատավորության պայքարը նոր կարգերի հաղթանակի համար։ Չնայած ծանր ու լարված աշխատանքային պայմաններին, նա հեռվից ուշի-ուշով հետևում էր Անդրկովկասում ծավալվող իրադարձությունների ընթացքին, այդ մասին սխտեմատիկաբար հաղորդում Սովետական Ռուսաստանի կառավարությանը և անձամբ Լենինին։

1918 թ. հոկտեմբերի 12-ին Վ. Ի. Լենինին հղած հեռագրերից մեկում Դ. Կ. Օրջոնիկիձեն հետևյալն է գրում. «Հայաստանում տիրող իրադրությունը ողբերգական է։ Ղարաբաղ մտած թուրքական զորքերը մորթել են ժողովրդի կեսին։ Զանգեզուրի և Շուշվա գավառների բնակչությունը կատաղի դիմադրու-

¹ Դ. Կ. Օրջոնիկիձե, Статьи и речи, т. 1, стр. 140, М., 1956.

թյուն է ցույց տալիս... Հայ ժողովուրդը Սովետական Ռուսաստանից սպասում է օգնություն»²:

(Հետաքրքրական է նշել, որ այս նույն հեռագրի մեջ Գ. Կ. Օրջոնիկիձեն սխալ ինֆորմացիա ստանալով, Վ. Ի. Լենինին հաղորդում է, որ Ղարաբաղում դավաճանաբար սպանվել է Անդրանիկը):

Պարտություն կրելով դաշնակից ուժերի կողմից, նույն թվականի ուշ աշնանը, թուրքերը հեռացան Անդրկովկասից: Նրանց անմիջապես փոխարինեցին անգլիական գաղութարարները և նոր ուժով բորբոքեցին ազգամիջյան կռիվները տեղական ժողովուրդների միջև:

Սովետական պետության և կոմունիստական կուսակցության ականավոր գործիչներ Գ. Կ. Օրջոնիկիձեն, Ս. Մ. Կիրովը, Ա. Ի. Միկոյանը խիստ անհանդրստանալով Անդրկովկասում և մասնավորապես Զանգեզուրում ու Լեռնային Ղարաբաղում ծավալվող արյունալի իրադարձություններից, դիմում են ՌԿ(Բ)Կ Կենտկոմին, Վ. Ի. Լենինին, նրանցից ստանում անհրաժեշտ ցուցումներ և, տեղական աշխատավորական ղանգվածների ուշադրությունն ազգամիջյան կռիվներից շեղելով, ուղղում երկրամասում նոր կարգերի հաղթանակի ապահովմանը:

1919 թ. հունվարին իր մի ընդարձակ հեռագրի մեջ Գ. Կ. Օրջոնիկիձեն Վ. Ի. Լենինին իրադեկ պահելով Անդրկովկասի ռազմա-քաղաքական կացությանը, նշում է, որ թուրքերը հեռանալով Շուշիից և հայկական մյուս գավառներից իրենց հետ տարել են միլիոնավոր ռուբլիների գույք, և որ անգլիական օֆիցերները մտել են Շուշի, այնտեղից էլ Զանգեզուր³:

Հասկանալի էր, որ բոլշևիկները չէին կարող այդ աննորմալ երևույթների նկատմամբ անտարբեր լինել կամ միայն սլասսիվ, հայեցողական դիրք գրավել: ՌԿ(Բ)Կ Կովկասյան երկրային կոմիտեն Գ. Կ. Օրջոնիկիձեի ղեկավարությամբ բոլոր տեղական կոմունիստական կադմակերպությունների գործունեությունը կենտրոնացնում է երկրամասում ազգամիջյան հակամարտություններին վերջ տալու, աշխատավորության ուժերը դասակարգային անհաշտ պայքարի մեջ ներգրավելու համար:

Տեղական բնակչության մեջ քաղաքական-կադմակերպական աշխատանքն ուժեղացնելու հետևանքով գյուղացիական ըմբոստություններ են ծագում նաև Զանգեզուրում և Լեռնային Ղարաբաղում: Բոլշևիկների ղեկավարությամբ գյուղացիները խլում են բեկական հողերն ու բաժանում իրենց միջև, միևնույն ժամանակ, հեղափոխական պայքարը մինչև վերջ հասցնելու նպատակով, դիմում և համախմբվում են կոմունիստների ղրոշի ներքո:

«Մեր իշխանությունը ունի բավական անտեսական ու ռազմական հենակետ,—1919 թ. մայիսին Վ. Ի. Լենինին գրում է ՌԿ(Բ)Կ Կովկասյան երկրային և Թարվի բյուրոյի անդամ Ա. Ի. Միկոյանը,— Ղարաբաղում և Զանգեզուրում մենք հենվում ենք դիմված հայ գյուղացիների վրա, որոնք չեն ընդունում մուսավաթական Ադրբեջանի կառավարությանը: Մուսուլման գյուղացիները հասակրում են կոմունիստներին և մի շարք տեղերում նույնիսկ պաշտպանում են մեզ»⁴:

² Նույն տեղում, էջ 44—45:

³ Նույն տեղում, էջ 64—65:

⁴ Центральный партийный архив Института марксизма-ленинизма (ЦПА ИМЛ), ф. 17, оп. 6, т. 95, л. 1—4.

1919—1920 թթ. ընթացքում Զանգեզուրում քաղաքական կյանքը մեծ աշխուժություն ապրեց։ Բաքվի կոմունայի ժամանակավոր անկումից հետո Բաքվից Զանգեզուր վերադարձան մեծ թվով կոմունիստներ, հեղափոխական տրամադրություններով համակված բանվորներ ու ղինվորներ և գավառի շատ գյուղերում ստեղծեցին կոմունիստական բջիջներ։

1919 թ. աշնանը 11-րդ կարմիր բանակի ղորամասերը, կրնկակոխ հետապնդելով Դենիկինի ջախջախված բանակի մնացորդներին, մտան Անդրկովկաս և օգնության եկան մուսավաթական կառավարության դեմ ապստամբած Բաքվի բանվորներին։ 1920 թ. ապրիլի 28-ին Ադրբեջանում հաստատվեցին սովետական կարգեր։

Հարևան ժողովրդի երկրի վրա ծածանվող հոկտեմբերի կարմիր դրոշը սգևորության աղբյուր հանդիսացավ հայ աշխատավորության համար։ Զանգեզուրցին նույնպես սկսեց տենդագին կերպով նախապատրաստվել գավառում դաշնակների տնտանելի լուծը թոթափելու և նոր կարգերի հաղթանակը ասպհովելու համար։

«Հեղափոխության հաղթանակը Բաքվում և մուսավաթի կառավարության տապալումը Ղարաբաղի ու Զանգեզուրի գյուղացիությունը ընդունել է ցնծությամբ։ Նրանք լրիվ համոզված են, որ Սովետական Ռուսաստանը միակ իշխանությունն է, որը նրանց կփրկի ամեն տեսակ ճնշումից, որտեղից էլ այն ծագի», — գրում են Գ. Կ. Օրջոնիկիձեն, փրումովն ու Երզնկյանը 1920 թ. ապրիլի 30-ին⁵։

1920 թ. մայիսին Հայաստանում բռնկվեց մայիսյան ժողովրդական ապստամբությունը։ Արձագանքելով Հայաստանի ապստամբած բանվորների ու գյուղացիների կոչին, Զանգեզուրի աշխատավորները նույնպես ապստամբության դրոշ բարձրացրին և 1920 թ. մայիսի երկրորդ կեսին գավառում հաստատեցին սովետական կարգեր։ Ռադմա-հեղափոխական կոմիտեի նախագահ Հ. Կամարին անմիջապես դիմեց Ղարաբաղի կոմունիստ ընկերներին և կարմիր բանակի շտաբին՝ ռադմական ուժով իրենց անհապաղ օգնության գալու համար։ Այդ նույն ժամանակ ապստամբեցին նաև Լեռնային Ղարաբաղի աշխատավորները։ Նրանց ղինված ելույթներից կարճ ժամանակ անց Գ. Կ. Օրջոնիկիձեն Ղարաբաղից ստացավ հետևյալ հեռագիրը. «...Ղարաբաղում բռնկվել է ապստամբություն և հաստատվել սովետական իշխանություն։ Ապստամբության զուխ կանգնած են կոմունիստները»⁶։

Կարմիր բանակի ղորամասերը օգնության եկան ապստամբած Լեռնային Ղարաբաղին, սակայն չկարողացան շարունակել հարձակողական գործողությունները և օգնել հեղափոխական պայքարի ելած Զանգեզուրի խիզախ մարտիկներին՝ բանակի թիկունքում Գյանջուլում (Կիրովաբադ) ծագած մուսավաթական հակահեղափոխական խռովության հետևանքով։

1920 թ. մայիսի սկզբներին Գ. Կ. Օրջոնիկիձեն եկավ Լեռնային Ղարաբաղ մոտիկից ծանոթանալու երկրամասում տիրող դրությանը և հետևյալ բովանդակությամբ հեռագիր ուղարկեց Վ. Ի. Լենինին. «Հայ և մուսուլմանական բնակչությունը ցնծությամբ են ղիմավորում ռուսական Կարմիր ղորամասերին։

⁵ Նույն տեղում, ֆ. 85, ց. 13, դ. 18, թ. 1—4։

⁶ Նույն տեղում, ֆ. 85, ց. 13, դ. 14, թ. 6։

Համոզված եմ, որ Շուշվա շրջանը, Զանգեզուրը, Նախիջևանը, Օրդուբադը և Զուլֆան մեր զորքերի կողմից կազատագրվեն առանց դիմադրության»⁷։

Զանգեզուրի և Նախիջևանի գավառներում ազգային խաղաղությունը վերականգնելու նպատակով կարմիր բանակի զորամասերը 1920 թ. հուլիսի ըսկրզրներին անցան հարձակման։ 11-րդ բանակի 32-րդ հրաձգային հեծյալ բրիգադան, առանց որևէ դիմադրության, ազատագրեց Զանգեզուրը։ Տեղական բնակչության ոգևորությունը չափ չկար։

1920 թ. հուլիսի 16-ին Զանգեզուրում գտնվող սովետական զորամասերից մեկին հրաման տրվեց Գորիս-Անգեղակոթ-Կարմալինովկա (Բիշանագ) խճուղով շարժվել դեպի Նախիջևան։ Աղբրեջանական ՍՍՀ Զանգիլանի շրջանից դեպի Օրդուբադ շարժվեց նաև 18-րդ հեծյալ դիվիզիայի բրիգադներից մեկը։

Ելնելով Նախիջևանում ստեղծված ռազմա-քաղաքական բարդ իրադրությունից, որն առանձնապես սրվել էր այնտեղ գտնվող քեմալական զորքերի առկայության հետևանքով, Գ. Կ. Օրջոնիկիձեն Հայաստանում Սովետական Ռուսաստանի լիազոր ներկայացուցիչ Լեդրանին հանձնարարում է դաշնակցական կառավարությանը կրկին տեղեկացնել, որ Սովետական Ռուսաստանը Նախիջևանը զավթելու մտադրություն չունի և հետևապես անհրաժեշտ է, որ դաշնակցականներն իրենց զորքերին ցուցում տան շրջահարվելու սովետական զորամասերի հետ և հալկական զորքերի ետ քաշման մասին անեն պաշտոնական հայտարարություն⁸։

Անվիճելի է, որ Նախիջևան մտած դաշնակցական բանակի հայ զինվորը չէր կռվի ռուսական կարմիր բանակի զինվորի դեմ։

1920 թ. օգոստոսի 10-ին Հայաստանում ՌՍՖՍՀ լիազոր ներկայացուցիչ Լեդրանը, Գ. Կ. Օրջոնիկիձեի և Զիշերինի միջամտությամբ, կարողացավ դինադադարի համաձայնագիր կնքել դաշնակցական կառավարության հետ։

Օգտվելով ժամանակավոր զինադադարի ընձեռած հնարավորությունից ՌԿ(Բ)Կ Կենտկոմի Կովկասյան բյուրոն, Գ. Կ. Օրջոնիկիձեի գլխավորությամբ, անհապաղ ձեռնամուխ եղավ ազատագրված գավառների բնակչության գրության բարելավմանը։ Զանգեզուրում անմիջապես ստեղծվեցին սովետական իշխանության օրգաններ։ Գավառային հեղկոմի նախագահ՝ նշանակվեց փորձված հեղափոխական բոլշևիկ Հ. Կամարին։

Նորաստեղծ սովետական օրգանները, կոմունիստական կազմակերպությունների ղեկավարությամբ, լուրջ պայքար ծավալեցին գավառում տնտեսական ու կուլտուրական շինարարության դարգացման, սովետական բանակի զորամասերի հետ համագործակցելու և նրանց ակտիվ աջակցություն ցույց տալու գործում։

Այն ժամանակ ազատագրված տերիտորիաներում առաջնակարգ ու հրատապ հարցը հանդիսանում էր ժողովուրդների միջև ազգային համերաշխության վերականգնումը։

«Մենք հրաշալի դիտեինք, — հետագայում գրում էր Գ. Կ. Օրջոնիկիձեն, — որ Անդրկովկասում ինչպես տնտեսական շինարարության, այնպես էլ այլ բնագավառներում անհնար է որևէ առաջընթաց քայլ կատարել, առանց ազգային խաղաղությունը վերականգնելու... Անդրկովկասում սովետական իշխանություն

⁷ Նույն տեղում, ֆ. 85, ց. 13, դ. 41, թ. 1։

⁸ Նույն տեղում, ֆ. 85, ց. 14, դ. 10, թ. 2։

հաստատելու առաջին տարիվանից սկսած մեր կուսակցությունը այդ խնդրի շուրջը լայն պրոպագանդա և ագիտացիա ծավալեց: Եվ մեղ մոտ չի եղել մի ժողով, որ դրված չլիներ այդ հարցը»⁹:

Ազատագրված գավառներում կուսակցական և սովետական օրգանների եռանդուն աշխատանքի շնորհիվ հայ և ադրբեջանական ժողովուրդների փոխադարձ վստահությունը և խանդավառ լինելը բարեկամական կապերը կարճ ժամանակամիջոցում վերականգնվեցին: Զանգեզուր վերադարձան ադրբեջանական գյուղերի այն բնակիչները, որոնք բռնի կերպով դաշնակների կողմից արտաքսվել էին: Դեպի Նախիջևան շարժվեցին Ղափանի, Սիսիանի, Դորիսի շրջաններում մնացած հայ գաղթականները: Մուղանի անջուր տափաստաններում ապրող խաշնարած, քոչվոր ադրբեջանական գյուղացիներին թույլատրվեց բարձրանալ Զանգեզուրի գոլասուն, կանաչ սարերը:

«Ես հիշում եմ, — գրում է Գ. Կ. Օրջոնիկիձեն, — երբ Ադրբեջանում հաստատվեցին սովետական կարգեր, գյուղացիների առաջին պահանջը եղավ թույլատրել իրենց քոչվորությամբ ղբաղվելու»¹⁰:

Սակայն, դժբախտաբար, բոլշևիկները քիչ ժամանակ ունեցան Զանգեզուրում խաղաղ շինարարությամբ ղբաղվելու: Դաշնակցական կառավարությունը իմպերիալիստական տերությունների զորմամբ նախապատրաստվեց այդ լեռնաստանի վրա հարձակվելու համար և սկսեց պատրվակներ փնտրել: Սովետական Ռուսաստանի կառավարությանը ուղարկած բողոքների մեջ նրանք մասնավորապես նշում էին, որ իբր կարմիր բանակը խախտում է կնքած համաձայնագրի պայմանները, հալածում խաղաղ բնակչությանը, «կազմակերպում երեխաների մասսայական սպանություններ, դատարկում հայկական գյուղերը»:

Ստացված բողոքներին րնթացք տալու նպատակով Զիչերինն անմիջապես դիմում է Գ. Կ. Օրջոնիկիձեին, խնդրելով նրան անհապաղ պարզաբանումներ տալ: Գ. Կ. Օրջոնիկիձեն հետևյալ հեռագիրն է ուղարկում Զիչերինին. «Իրենց աղմկարարությամբ դաշնակցականները ցանկանում են թաքցնել կոմունիստների նկատմամբ կիրառած իրենց գաղանդությունները:

Համոզված եղեր, որ ամեն ինչ կկատարվի ճշտությամբ»¹¹:

Նրկրորդ անգամ դաշնակցական կառավարությունը փորձում է սովետական զորքերին մեղադրել սահմանը խախտելու մեջ:

Գ. Կ. Օրջոնիկիձեն հարկադրված նոր պարզաբանումներ է տալիս Զիչերինին:

«Մի անգամ ևս հաստատում եմ, — գրում է նա, — որ բանակի հրամանատարությանը տրվել է կատեգորիկ հրաման՝ խստորեն պահպանել Հայաստանի հետ սգոստոսի 10-ին կնքած համաձայնագրի պայմանները: Եվ այդ ժամանակից ի վեր հրամանատարությունը Հայաստանի կողմից ոչ մի բողոք չի ստացել»¹²: Սակայն այդքանից հետո էլ դաշնակցականները իրենց պրովակացիաներին վերջ չեն տալիս:

Նոր պրովոկացիաներին վերջ տալու և անիմաստ պատերազմական գործողությունների մեջ չներքաշվելու համար Գ. Կ. Օրջոնիկիձեն միջոցներ է ձև-

⁹ Գ. Կ. Օրջոնիկիձե, «Статьи и речи», т. I, М., 1956, стр. 267—268.

¹⁰ Նույն տեղում, էջ 264:

¹¹ ՄԼԻ ԿԿՈ, ֆ. 85, ց. 14, դ. 6, թ. 3:

¹² Նույն տեղում, ֆ. 85, ց. 14, դ. 6, թ. 6:

նարկում խաղաղություն պահպանել սովետական կարգեր հաստատված գալ-վառներում, բայց դաշնակցականներն արդեն նախապատրաստվել էին հար-ձակվելու Զանգեզուրի վրա, պրովակացիաների ղոհ դարձնելով Զանգեզուրի բնակչության մի մասին: Հոկտեմբերին Նժդեհը, որ ամրացել էր Ղափանի լեռ-ներում, և նրա հետ կապ պահպանող Դարուլադյալի դաշնակցական ուժերը երկու ձակառուով անցան հարձակման:

Զանգեզուրը կրկին ներքաշվեց արյունոտ կռիվների մեջ:

Ստեղծված իրավիճակից դուրս գալու նպատակով Գ. Կ. Օրջոնիկիձեն հոկ-տեմբերի 22-ին հեռադրեց Մոսկվա, Լենինին և Զիչերինին: Նա հեռագրում հանգամանորեն պատմում է ապստամբության դրդապատճառների և նրանում դաշնակցական կառավարության ունեցած մասնակցության մասին, նշելով, որ ապստամբության առաջին օրերին կարմիր բանակի դեմ դուրս է բերվել 1000 սվին, 300 սուր, հրետանի և կանոնավոր հայկական ջոկատներ: Նա ընդհան-րացնում է. «Մենք Հայաստանում կանգնած ենք նոր ավանտյուրայի փաստի առջև: Այդպիսի իրադրությունն անտանելի է: Անհրաժեշտ է լրջորեն միջամտել Հայաստանի կառավարության առաջ, որը բացահայտորեն ձգտում է կոնֆլիկտի մեջ մտել ՌՍՖՍՀ-ի կառավարության հետ»¹³:

Պատասխան նամակի մեջ Զիչերինը Գ. Կ. Օրջոնիկիձեին գրում է, որ ինքը Զանգեզուրում ծավալված ռազմական գործողությունների շուրջը զրույց է ու-նեցել Վ. Բ. Լենինի հետ և որ առաջնորդը, գավառում խաղաղությունը վերա-կանգնելու նպատակով, դաշնակցական կառավարությանը հաղորդելու համար արել է մի շարք առաջարկություններ:

Սակայն Հայաստանի կառավարությունը մտադիր չէր ունկնդրելու Սովե-տական Ռուսաստանի խաղաղասիրական առաջարկություններին և շունկնդրեց: Գնալով Զանգեզուրում պատերազմական գործողություններն ավելի ծավալ-վեցին և սուր բնույթ ստացան:

Կուլկասյան ռազմաճակատի ռազմա-հեղափոխական խորհուրդը և 11-րդ կարմիր բանակի հրամանատարությունը ձեռնարկեցին մի շարք կտրուկ մի-ջոցներ՝ դաշնակցական-խմբապետական ավանտյուրան ճնշելու և ողջ գավա-ռում սովետական կարգերը վերականգնելու համար: 1920 թ. հոկտեմբերի 25-ին արագ կերպով կազմակերպվեց 11-րդ կարմիր բանակի Զանգեզուրյան հար-վածային խումբը, որի կազմի մեջ մտցվեցին 18-րդ, 20-րդ և 28-րդ դիվիզիա-ների մարտունակ հեծյալ բրիգադներ ու մի շարք այլ զորամասեր: Հարվածա-յին խմբի հրամանատար նշանակվեց քաղաքացիական կռիվների լեգենդար հերոս, ուկրաինական ժողովրդի զավակ Պյոտր Կուրիչկոն¹⁴:

Հարվածային խումբը, տեղական կոմունիստների պարտիզանական ջո-կատների ակտիվ աջակցությամբ, Ղափանի ու Սիսիանի ուղղություններով հա-կագրոհ կազմակերպեց դաշնակցականների զորամասերի վրա, որը, սակայն, լուրջ հաջողություն չունեցավ, որովհետև սկսած նոյեմբերի սկզբներից, կար-միր զորամասերը կլիմայական անբարենպաստ պայմանների, տեղանքի ան-ծանոթության, մատակարարման գործի անբավարար կազմակերպման և մի շարք այլ պատճառների հետևանքով ընկան շափաղանց դժվար կացության մեջ:

Ռազմաճակատից Գ. Կ. Օրջոնիկիձեին հայտնում են, որ Զանգեզուրի լեռ-

¹³ Նույն տեղում, ֆ. 65, ց. 13, գ. 58, թ. 1.

¹⁴ ЦГАСА, ф. 326, от. 1, д. 2, л. 2.

նազագաթներին իջել է ձյունը, իսկ անդնդախոր ձորերում նստել քաշաթուխալը: Ամբողջ օրերով ձյունախառն անձրև է գալիս: Ուժեղ ցրտերի, թերասնման, կիսամերկ ու բոկոտն լինելու պատճառով կարմիրբանակայինները մասսայաբար հիվանդանում են: Հրամանատարությունը նշում է, որ անբարենպաստ եղանակների պատճառով բոլոր անցումներն ու զառիվեր արահետները դարձել են անանցանելի, իսկ տեղանքին լավ ծանոթ թշնամին մարպիկ կերպով օգտագործում է ստեղծված իրավիճակը և ակտիվացնում հարձակողական գործողությունները:

Գ. Կ. Օրջոնիկիձեն շտապում է ՌԿ(Բ)Կ Կենտկոմին, Համառուսաստանյան ռազմա-հեղափոխական կոմիտեին հայտնել Զանգեզուրում ստեղծված դժվար կացության մասին և անհապաղ օգնություն խնդրել: Նա ուղղակի դրում է. «Մեր բանակում, առանձնապես տասնմեկերորդում, կոշկեղենի և համազգեստի վիճակը կատաստրոֆիկ է այդ բառի իսկական իմաստով... Խնդրում եմ էքստերն կարգով, ամեն տեսակի հերթից դուրս, Բաքու ուղարկել 20.000 կոմպլեկտ համազգեստ: Առանց այդ միջոցառման մենք կարող ենք կորցնել ամբողջ 11-րդ բանակը»¹⁵:

Դժբախտաբար, ձեռնարկվող բոլոր միջոցառումները ցանկալի արդյունք չտվեցին, որովհետև մթնոլորտային անվերջ տեղումների հետևանքով անհնար դարձավ լեռնային Ղարաբաղից կռվող զորամասերին նոր համալրումներ, ինչպես նաև ռազմամթերք ու հանգերձանք ուղարկել Զանգեզուր: Ռազմաճակատում Զանգեզուրյան հարվածող խմբի զորամասերի դրությունը դարձավ անտանելի: Տեղանքը լեռնոտ, անտառապատ լինելու պատճառով շարքից դուրս եկավ հեծյալ բրիգադների մեծ մասը:

Նոյեմբերի երկրորդ կեսին ռազմաճակատն ավելի նեղացավ: Կարմիր բանակի զորամասերը ետ քաշվեցին իրենց գրաված նախկին դիրքերից և կենտրոնացան Գորիս քաղաքում:

Հաշվի առնելով սովետական զորքերի համար ստեղծված ռազմաքաղաքական ու տնտեսական ծանր կացությունը, 11-րդ կարմիր բանակի հրամանատարությունը, Կովկասյան ռազմաճակատի ռազմա-հեղափոխական խորհրդի ցուցումով, 1920 թ. նոյեմբերի 19—21-ին զորքերը ժամանակավորապես դուրս բերեց Զանգեզուրից:

Կարմիր բանակի Զանգեզուրից դուրս գալուց ընդամենը 8 օր հետո, նոյեմբերի 29-ին, Հայաստանում հաստատվեցին սովետական կարգեր: Գ. Կ. Օրջոնիկիձեն, որը մեծ ակտիվություն էր հանդես բերում Հայաստանում սովետական իշխանության հաղթանակի համար, առաջինը ողջունեց դաշնակցականների լծից ազատագրված բազմաշարժար հայ ժողովրդին:

Հետաքրքրական է նշել, որ կարմիր զորամասերը Զանգեզուրի սահմանները թողնելու ժամանակ Նրևանում լեզրանին է ներկայանում Ղափանի օկրուգային համադրումարի նախագահ Աշոտ Մելիք-Մուսյանը և Նժդեհի անունից առաջարկում, որ եթե Կովկասյան ռազմաճակատի ռազմա-հեղափոխական խորհուրդը դաշնակցականներին երաշխիքներ տա կարմիր բանակի կողմից Ղափանի վրա Նախիջևան-Օրդուբադի ուղղությամբ շարժակվելու վերաբերյալ,

¹⁵ ЦПА ИМЛ, ф. 326, оп. 1, д. 2, л. 2.

ապա իրենք կթույլատրեն սովետական ղորքերին շարժվելու Անգեղակոթ-Կարմանիլովկա-Նախիջևան երթուղով¹⁶։

Լեզրանից ստանալով այդ մասին ռադիոհեռագիր, Գ. Կ. Օրջոնիկիձեն նրան անմիջապես պատասխանում է, որ Մելիք-Մուսյանի առաջարկությունն ընդունելի է և որ ինքը ռադիոհեռագրի ամբողջ բովանդակությունը հաղորդել է մոսկվա¹⁷։

Սակայն, ինչպես պետք էր սպասել, դաշնակցականների հրաժարվեցին իրենց իսկ արած առաջարկությունից։ Կարմիր բանակի կողմից շենթարկվելով որևէ հարձակման, նրանք շթույլատրեցին սովետական ղորքերին Զանգեզուրի վրայով կապ պահպանել Նախիջևանում գտնվող կարմիր բանակի ստորաբաժանումների հետ։

Զանգեզուրում կարմիր բանակի կրած անհաջողությունների պատճառների ուսումնասիրությունը դուրս չմնաց Գ. Կ. Օրջոնիկիձեի տեսադաշտից։ Նա գովառում գործող ղորքերի հրամանատարներից և ռազմական կոմիսարներից պահանջեց իրեն մանրամասն ղեկուցադրեր ներկայացնել այդ մասին։ 28-րդ հրաձգային դիվիզիայի հրամանատար Նեստերովսկին և կոմիսար Բերեժկոն Գ. Կ. Օրջոնիկիձեին հասցեագրած իրենց ղեկուցագրի մեջ մանրամասն վերլուծում են Զանգեզուրում սովետական ղորքերի պարտության ռազմա-քաղաքական ու տնտեսական պատճառները։

Զանգեզուրում սովետական բանակի կրած անհաջողությունների մանրամասն ուսումնասիրությունն ու վերլուծությունը որոշակիորեն նպաստեց կարմիր բանակի հրամանատարությանը, բոլոր պետական և կուսակցական օրգաններին, հաջորդ տարում հաջողությամբ, զրեթե առանց կռիվ ազատագրելու ամբողջ գավառը։

1921 թ. փետրվարին Սովետական Հայաստանում բռնկվեց հակահեղափոխական մեծ խռովություն, որի նախապատրաստմանն ու անցկացմանն ակտիվորեն մասնակցեցին նաև Զանգեզուրում բուն դրած դաշնակցական ուժերը։

1921 թ. մարտի 22-ին, Ախտաչի շրջանից, Թիֆլիս, Գ. Կ. Օրջոնիկիձեին հասցեագրած Աթարբեկյանի նամակում կարդում ենք. «Խլված է Վրացյանի նժդեհին ուղղված նամակը։ Նամակում ցուցում է տրված վերջինիս, նոր Բայազետի ուղղությամբ մեզ վրա հարձակվելու ծայրահեղ անհրաժեշտության մասին...»¹⁸։

Այդ հարձակումը տեղի ունեցավ։ Սակայն նժդեհի ղորքերը, որոնք գերադասեցապես հրացանի ու մտրակի սպառնալիքի տակ ռազմաճակատ քշված արքաշ գանգեզուրցիներն էին, կարմիր ղորամասերի և Բայազետի կոմունիստների կողմից առաջին իսկ ղորեղ դիմադրությանը հանդիպելով, նահանջեցին Դարալագյազ։

1921 թ. ապրիլի սկզբին փետրվարյան հակահեղափոխական խռովությունն իսպառ լիկվիդացվեց կենտրոնում։ Դաշնակցական «Փրկության կոմիտեի» չախչախված մնացորդները, Սիմոն Վրացյանի գլխավորությամբ, ճողոպրեցին Զանգեզուր։

16 Նույն տեղում, ֆ. 85, ց. 13, դ. 14, թ. 1։

17 Նույն տեղում, ֆ. 85, ց. 13, դ. 14, թ. 3։

18 Նույն տեղում, ֆ. 85, ց. 14, գ. 77, տ. 4։

Զանգեզուրը դարձավ անդրկովկասյան հակահեղափոխության վերջին հենակետը: Դաշնակների տիրապետության կարճ շրջանում գավառը վերածվեց բանդիտիլդի ու կամայականությունների թատերաբեմի:

Դրությունը լրջորեն բարդացավ նաև Նախիջևանի, Լեռնային Ղարաբաղի գավառներում և Ադրբեջանի որոշ շրջաններում:

Նախիջևանի երկրամասի արտակարգ կոմիսար Վելիբեկովը 1921 թ. հունվարին Գ. Կ. Օրջոնիկիձեին և 11-րդ կարմիր բանակի ռազմա-հեղափոխական խորհրդին գրած իր ընդարձակ ղեկուցագրի մեջ նշում է, որ Զանգեզուրից սովետական զորքերի դուրս գալուց հետո Նախիջևանում գտնվող քեմալական զորամասերը շափաղանց լկտիացել են և բացարձակ թշնամական դիրք են զբաղվել Սովետական Հայաստանի, Նախիջևանում գտնվող հայ կոմունիստների և հայ աշխատավորության նկատմամբ: Թուրքական կառավարությունը դեն է շարտել իր «հեղափոխական» դիմակը և ուղղակիորեն հարում է Անտանտին, սյարսական խաներին հրահրում Սովետական Հայաստանի դեմ և մտադիր է Նախիջևանում հայտարարել թուրքական սյրոտեկտորատ¹⁹:

1921 թ. փետրվարին Շուշու գավառային կոմիտեն Գ. Կ. Օրջոնիկիձեին և Նարիմանովին հայտնում է, որ Զանգեզուրից կարմիր բանակի հեռանալուց հետո Լեռնային Ղարաբաղի քաղաքական դրությունը նկատելիորեն վատացել է: Տեղական դաշնակցական ուժերը ամուր կապ են հաստատել Նժդեհի հետ, բացահայտորեն դուրս են գալիս սովետական օրգանների դեմ և նպատակ ունեն Լեռնային Ղարաբաղում տապալելու սովետական իշխանությունը²⁰:

Մինքենդի երեք շրջաններում կատարյալ անիշխանություն է տիրում: Ֆեոդալ Սուլթան բեկը համագործակցելով Նժդեհի հետ, դաժան դատաստան է տեսնում տեղական կոմունիստների և գյուղացիների հետ, կողոպտում նրանց ունեցվածքը, դիմադրողներին սպանում, — այսպիսի բովանդակությամբ Ե. Կ. Օրջոնիկիձեին, Հայաստանի, Ադրբեջանի սովետական օրգաններին և 11-րդ կարմիր բանակի հրամանատարությանը ընդարձակ ղեկուցագիր են ներկայացնում Մինքենդի կուսակցական և սովետական կազմակերպությունները²¹:

Այսպիսով, Զանգեզուրը դարձել էր ներքին ու արտաքին բոլոր հակահեղափոխական ուժերի՝ ամեն երանգի թափթփուկների գործողությունների հավաքատեղի: Հարկավոր էր բոլոր միջոցներով արագ կերպով վնասալերծ անել այդ վտանգավոր օջախը:

Զանգեզուրի ազատագրման հարցը կրկին դրվեց օրակարգի մեջ:

Գ. Կ. Օրջոնիկիձեն հանդես եկավ որպես այդ գործի ակտիվ կազմակերպիչներից մեկը:

ՌԿ(Բ)Կ Կենտկոմի Կովկասյան բյուրոն և Սովետական Հայաստանի կառավարությունը, Գ. Կ. Օրջոնիկիձեի և Ալ. Մյասնիկյանի գլխավորությամբ, Զանգեզուրը խաղաղ ճանապարհով Հայաստանին միացնելու մի շարք փորձեր կատարեցին: Դեռ 1921 թ. հունվարին Գ. Կ. Օրջոնիկիձեն Բաքվից, Հայաստանի Հեղկոմի անդամ Ավիս Նուրիջանյանի հետ ունեցած հեռախոսային զրույցի ընթացքում, առաջարկեց Զանգեզուրը խաղաղ ճանապարհով Սովետական Հայաստանին միացնելու համար «Լեռնահայաստանի կառավարության» հետ բա-

19 Նույն տեղում, ֆ. 85, ց. 14, գ. 106, թ. 4:

20 Նույն տեղում, ֆ. 85, ց. 14, գ. 7, թ. 2—3:

21 Նույն տեղում, ֆ. 85, ց. 14, գ. 84, թ. 5—6:

նակցություններ վարելու նպատակով ուղարկել պաշտոնական պատգամավորություն: Սակայն Ալիսը Գ. Կ. Օրջոնիկիձենին բացատրեց, որ Զանգեզուրում ստեղծված իրավիճակի հետևանքով առայժմ անիմաստ է այնտեղ պատգամավորություն ուղարկելը և որ այդպիսի քայլի դիմելը, ըստ էության, վնաս կբերեր սովետական իշխանության հեղինակությանը: Ալիսը խորհուրդ է տալիս միառժամանակ հեղկոմի անունից այնտեղ պաշտոնական պատգամավորություն չուղարկել և սպասել միայն գարնանը՝ ճանապարհները բացվելուն²²:

Հայաստանից մանրամասն ինֆորմացիա ստանալով Զանգեզուրում տիրող դրության մասին, Գ. Կ. Օրջոնիկիձեն, հունվարի 22-ին, Վ. Ի. Լենինին հաղորդում է, որ Զանգեզուրում կազմված «Ինքնուրույն կառավարությունը» ամուր պաշտպանություն է գտնում անգլիացիների մոտ և որ Հայաստանից ու Ադրբեջանից ղեպի գավառ տանող բոլոր լեռնանցքները խոր ձյունով ծածկված լինելու պատճառով հնարավոր չէ այդ ուղղությամբ ռազմական գործողություններ ծավալել²³:

Սովետական Հայաստանի կառավարությունը հարկադրված սպասեց դարձնան դալուն:

1921 թ. մայիսին Գ. Կ. Օրջոնիկիձեն, Ալ. Մյասնիկյանի և Կովկասյան բանակի հրամանատարական կազմի մասնակցությամբ տեղի ունեցավ ՀԿԿ Կենտկոմի նիստը, որտեղ կրկին որոշում ընդունվեց նոր ջանքեր գործադրել Զանգեզուրը խաղաղ ճանապարհով Սովետական Հայաստանին միացնելու համար: Ուստի որոշվեց Զանգեզուրի «կառավարության» հետ, որ այդ ժամանակ կոչվում էր «Լեռնահայաստանի կառավարություն», բանակցություններ վարելու նպատակով հատուկ պատվիրակություն ուղարկել Սիսիան:

1921 թ. մայիսի 12-ին Սիսիանի շրջանի Կալաջուղ գյուղում տեղի ունեցած բանակցությունների ընթացքում պարզվեց, որ դաշնակցականները մտադիր չեն Զանգեզուրը խաղաղ ճանապարհով միավորելու Հայաստանի հետ: Հավատարիմ իրենց ավանտյուրիստական սկզբունքներին նրանք, ղեկ բանակցությունները չավարտած, հունիսին Դարալագյազի ուղղությամբ հարձակում ըսկըսեցին կարմիր բանակի դորամասերի վրա:

1921 թ. հունիսի 15-ին Գ. Կ. Օրջոնիկիձեն հանդես գալով կոմերիտմիության կովկասյան խորհրդակցությունում՝ առաջ, «Զանգեզուրում ղեպերը մեկ հասցրին դաշնակցականների դեմ՝ վճռական պայքարի անհրաժեշտության: Մենք հարկադրված ենք մեկրնգմիշտ լուցնել ավանտյուրիստներին և համոզված ենք, որ այդ շուտով կկատարվի»²⁴:

Հարձակման ժամանակ հրապարակվեց Ալ. Մյասնիկյանի կոչը՝ ռազմաւակատ մեկնող մարտիկներին: Կոչում ամենայն հստակությամբ շարադրվում էր կարմիր զինվորների, հրամանատարների, կոմիսարների անելիքները Զանգեզուրի լեռներում ապաստանած «մախնոյական, դավաճանական կլիկը արմատախիլ անելու և աշխատավոր, շարքաշ ղանգեզուրցուն բախտախնդիր թափափուկների ձեռքից ազատելու համար»:

Կարմիր բանակի, Կովկասյան 1-ին կորպուսի հրամանատար Ալ. Տոգորրսկու և կոմիսար Սվիրիդովի ղորքերին ուղղված կոչը գրվել էր Օրջոնիկիձենի ան-

²² Նույն տեղում, ֆ. 85, ց. 14, գ. 84, թ. 1:

²³ Նույն տեղում, ֆ. 85, ց. 14, գ. 78, թ. 3:

²⁴ Г. К. Орджоникидзе, Статьи и речи, т. 1, стр. 190.

միջական մասնակցությամբ ու ղեկավարությամբ: Այնտեղ ասված է. «Զանգե-
զուրի և Ղարաբաղի լեռներում իր արձագանքն է գտել համաշխարհային դա-
սակարգային պայքարը... Յուրաքանչյուր հարված գեներալ Նժդեհի կլիկին, այդ
հարված է ուսական մեռնող հակահեղափոխությանը և միջազգային կապի-
տալին... Զանգեզուրը պետք է դառնա կարմիր, որովհետև այդպես է որոշել
Կարմիր Բանակը... Կեցցե սովետական Զանգեզուրը...»²⁵:

Դեպի Զանգեզուր շարժվող զորամասերը սերտ կապի մեջ էին Դ. Կ. Օրջո-
նիկիձեի հետ: Նրա միջոցով էին լուծվում գործող բանակի հետ կապված ռազ-
մական, քաղաքական և տնտեսական նշանակություն ունեցող բոլոր հրատապ
հարցերը:

Հայաստանի հեղկոմի անդամ Բեկդադյանը հունիսի 20-ին Գ. Կ. Օրջոնի-
կիձեին հայտնում է, որ Զանգեզուր մտած զորամասերի հացը չի բավականաց-
նում և որ սրընթաց ռազմական գործողությունները պահանջում են մատակա-
րարման գործի ուժեղացում: Դրանից մի քանի օր հետո Գ. Կ. Օրջոնիկիձեն
ստանում է Ասքանազ Մուսվյանի հեռագիրը, որտեղ վերջինս գրում է, որ զո-
րամասերի հյուսիսային (Ղարաբաղ-Զանգեզուրյան) խումբը ապահովված չէ
մսով: Ղարաբաղում և Զանգեզուրում հնարավորություն կա հայթայթելու պա-
հանջված քանակությամբ միս, իսկ դրա համար հարկավոր է առնվազն 30 մի-
լիոն ռուբլի: Ասք. Մուսվյանը խնդրում է Դ. Կ. Օրջոնիկիձեին անհապաղ մի-
ջոցներ ձեռնարկել և այդ մասին տեղյակ պահել նաև Ալ. Մյասնիկյանին:

Կարմիր բանակը հաղթական երթով մտավ Զանգեզուր: Գավառի աշխա-
տավորությունը նրան կրկին ցնծությամբ ընդունեց, համարյա առանց դիմա-
դրության: Գյուղացիները ամենուրեք մեծ բազմությամբ ու աղուհացով դիմա-
վորեցին կարմիր եղբայրներին: Միայն հուլիսի 2-ին Նժդեհ-Թարխանյան զո-
րամասերը Ղափանից հասան Պատույատ լեռնաշղթային և փորձեցին Սիսիանի
շրջանը գրաված հայկական կարմիր դիվիզիայի աջ թևից շրջանցել: լուսադե-
մին հարձակվեցին Ախլաթյան գյուղի վրա, ուր գիշերել էր խուլա 4-րդ գնդի
առաջին դումարտակը: Մի քանի ժամ տևող գրոհներից հետո դաշնակցական
զորամասը գիշերով նահանջեց Մեղրի: Սա դաշնակցության վերջին ուժեղ կոփն
էր Զանգեզուրում:

Հուլիսի 2-ին Ղարաբաղ-Զանգեզուրյան ռազմական գլխավոր ուժերը և
Նրևանյան գնդի զորամասերը Գորիսում միացան իրար ու շարունակեցին ա-
ռաջրնթացը դեպի Ղափան: 1921 թ. հուլիսի 13-ին գրավելով Մեղրին, Զան-
գեզուրն ամբողջապես ազատագրեցին: Նժդեհը և Նրևանից փախած դաշնակ-
ցության մյուս պարագլուխները փախան Պարսկաստան:

Ալ. Տոդորսկին և Սվիրիգովը Զանգեզուրը ազատագրող զորքերի անունից
Դ. Կ. Օրջոնիկիձեին հղած հեռագրում գրում են. «ամբողջ Զանգեզուրի վրա
փողփողում է սովետական դրոշը», իսկ Ալ. Մյասնիկյանին գեկուցում Զանգե-
զուրում բանվորա-գյուղացիական իշխանության տարած հաղթանակի և ամ-
բողջ գավառում հեղափոխական կարգուկանոնի հաստատման մասին:

Ալ. Մյասնիկյանը հեռագրով շնորհավորում է Գ. Կ. Օրջոնիկիձեին՝ կարմիր
բանակի տարած փայլուն հաղթանակի առթիվ: Գ. Կ. Օրջոնիկիձեն իր հերթին
ուղիղ գծով կապվում է Ալ. Մյասնիկյանի հետ՝ շնորհավորում սովետական

²⁵ ЦПА ИМЛ, ф. 85, оп. 13, л. 75, л. 1—6.

Հայաստանի կառավարությանն ու ժողովրդին՝ Ձանգեղուրի ազատագրության կապակցությամբ²⁶։

Եվ այդպես, Գ. Կ. Օրջոնիկիձեի գործուն մասնակցությամբ ու ղեկավարությամբ, Ձանգեղուրի վրա ճառագում է Հոկտեմբերի սլաշժառ արևը, նրա խրոխտ ու ազատատենչ ժողովրդին բերելով խաղաղ, ստեղծագործական աշխատանքի հնարավորություն։

* * *

Եղբայրակելով մեր ասելիքը, ավելացնենք նաև, որ Գ. Օրջոնիկիձեն Անդրըֆեդերացիայում աշխատած տարիներին իր ղեկուցումների, ճառերի, ելույթների ու զրույցների մեջ բաղմիցս անդրադառնում է Ձանգեղուրում ծավալված իրադարձությունների գնահատությանը։ Անդրադառնալով Անդրկովկասյան ժողովուրդների տնտեսական կասկերի զարգացմանն ու ամրապնդմանը, նա մի քանի առիթներով նշում է, որ Ձանգեղուրում բոլոր գավառներից առավել սերտորեն էին միահյուսվում հայ և ադրբեջանական ժողովուրդների տնտեսական շահերը։ Իսկ այդ վիճակը մուսավաթականները օսմանական թուրքերի թելադրանքով օգտագործում էին զավառը զավթելու համար, որը երկուստեք տեղի էր տալիս նոր արյունահեղությունների։ Մինչդեռ բոլշևիկներն այդ հանգամանքը նպաստակամ դում էին ազգային համերաշխության, երկու ժողովուրդների տնտեսական ու կուլտուրական կասկերի հետագա պարզացմանը։

Ավելորդ չէ նշել, որ այժմ էլ մուսավաթական սպարազուխները, որոնք դործունեության լայն ասպարեզ են գտել Թուրքիայում, փորձում են 1918—1920 թթ. Ձանգեղուրի հայ և ադրբեջանական բնակչության միջև իրենց բորբոքած ընդհարումների և արյունահեղության մեղքը բարդել Սովետական Ռուսաստանի և հայ բոլշևիկների վրա։ Այդ տեսակետից հատկանշական է ոմն Մեհմեդ Սադիկ Արանի հոգևածը, որը տպագրվել է ներկայիս Թուրքիայի կառավարող «Արդարություն» կուսակցության փաստացի սլաշտոնական օրաթերթ հանդիսացող «Ենի Իստանբուլ» թերթի 1966 թ. սեպտեմբերի 9-ի համարում։ «XX դարում ստեղծված թուրքական երկրորդ սլետությունը. Ադրբեջանական հանրապետություն» վերնագրով այդ հոգևածում նա բարբաջում է այսպես. «Նրանք (հայ կոմունիստները — Բ. Խ.) Կարմիր Մոսկվայի դիրեկտիվներով և ժանդակությամբ դիմում էին ամեն տեսակ ինտրիգների և դավադրությունների», որպեսզի ծնկի բերեին կրիտիկական վիճակում գտնվող Ադրբեջանը (մուսավաթական — Բ. Խ.), «կոմունիստական հեղափոխության անվա՛ն տակ ոչընչացնեին թուրք բնակչությանը»²⁷։

Վերհիշելով Ձանգեղուրի և տոհմատարակ հայ և ադրբեջանական ժողովրդի ապրած ծանր, մղձավանջային օրերը, Գ. Կ. Օրջոնիկիձեն մարգարեարար գրում էր. «Կանցնեն տարիներ, կմեղմունան կրքերը, և ասպագա սերունդներն ատելությամբ կվերհիշեն նրանց, ովքեր մեղավոր էին այդ սարսափների համար»։

Թափական տարիներ են անցել, կրքերը մեղմացել, մեր պատմության հորիզոնից չքացել են ժողովուրդներին տտելի դասակարգերն ու նրանց կուսակցությունները։ Սակայն այդ ծանր, բայց միաժամանակ հերոսական տարիները

²⁶ Նույն տեղում, ց. 14, դ. 85, թ. 3։

²⁷ Մեհմեդ Սադիկ Արանը ադրբեջանցիներին անվանում է թուրքեր։

իրադարձությունների միջից տիրական հպարտությամբ բարձրանում է լենինյան մեծ հեղափոխականի ու ինտերնացիոնալիստի, անդրկովկասյան ժողովուրդների համար այնքան սիրելի ու անմոռաց Սերգո Օրջոնիկիձեի պայծառ կերպարը, իրրե ազգերի համերաշխության ու երջանկության անզուգական սրինակի և խորհրդանիշի:

Б. А. ХУДАВЕРДЯН

ИЗ ИСТОРИИ ОСВОБОЖДЕНИЯ ЗАНГЕЗУРА

Р е з ю м е

После победы Октябрьской революции Зангезур, а также Нагорный Карабах и Нахичевань стали спорными территориями и явились ареной межнациональных распрей и кровопролитных войн. В этот период один из видных деятелей ленинской гвардии — Г. К. Орджоникидзе с пристальным вниманием следил за событиями, развернувшимися в Зангезуре и примыкающих к нему районах.

Летом 1918 г. Закавказье было оккупировано войсками германо-турецких захватчиков. Турецкие войска, напав на Армению, были приостановлены в преддверии Зангезура.

В настоящей статье приведены многочисленные факты—письма, телеграммы и другие материалы, свидетельствующие о том, что Г. К. Орджоникидзе давал необходимые указания большевикам, руководил действиями частей Красной Армии и народных ополченцев, борющихся за освобождение Зангезура, Нагорного Карабаха и Нахичевани от дашнакского и мусаватистского господства.

Автор приводит выдержку из письма члена бюро Кавказского краевого и Бакинского комитетов РКП(б) А. И. Микояна, направленного В. И. Ленину, о том, что в Карабахе и Зангезуре большевики опираются на вооруженных армянских крестьян, которые не признают азербайджанское мусаватистское правительство, а мусульманские крестьяне поддерживают коммунистов.

В ноябре 1920 г. в Армении была установлена Советская власть. Однако в феврале 1921 г., подстрекаемые державами Антанты, дашнакские авантюристы подняли восстание против Советской власти и захватили некоторые районы Армении. После разгрома дашнакской авантюры мятежники отступили в Зангезур, который стал их последним убежищем. В связи с этим осложнилось положение в Нахичевани и Карабахе.

В январе 1921 г. чрезвычайный комиссар Нахичеванского края Веллибеков в своем донесении Орджоникидзе и Военно-революционному совету 11-й Красной Армии отмечал, что после отступления частей Красной Армии из Зангезура находящиеся в Нахичевани кемалистские войска заняли открыто враждебную позицию в отношении Советской власти в Армении, а также армянских коммунистов и трудящихся Нахичевана.

что турецкое правительство намерено провозгласить Нахичевань турецким протекторатом.

Однако, несмотря на это, трудящиеся Зангезура с помощью частей 11-й Красной Армии в июне-июле 1921 г. свергли ненавистное иго дашнаков, окончательно провозгласили Советскую власть в Зангезуре и прилегающих районах и положили конец межнациональным распрям и кровопролитию в этом районе.

В свете указанных фактов жалкими выглядят попытки некоторых недобитых мусаватистов, нашедших убежище и широкий простор для антисоветской деятельности в Турции, свалить вину за совершившееся между армянами и азербайджанцами кровопролитие из-за Зангезура на большевиков. В статье под заглавием «Второе турецкое государство, созданное в XX в.; Азербайджанская республика», напечатанной 9 сентября 1966 г. в турецкой газете «Ени Истанбул», некий Мехмед Садык Аран, касаясь указанных событий в Зангезуре, Нахичевани и Нагорном Карабахе, игнорируя реальные факты, прямо пишет, что «они (т. е. армяне-коммунисты.— ред.) по директивам и при поддержке Красной Москвы прибегали ко всяким интригам и заговорам», чтобы поставить на колени мусаватистский Азербайджан, который в то время находился в критическом положении, а также «под видом коммунистической революции истреблять турецкое население».

В статье приводятся многочисленные убедительные факты о том, что именно антинародная политика дашнаков и мусаватистов создавала условия межнациональных столкновений из-за Карабаха и Зангезура, а большевики с революционной энергией боролись за разрешение этого вопроса в интересах трудящихся армян и азербайджанцев. Жизнь показала, что только Советская власть, благодаря ленинской национальной политике, была способна решить эту проблему, в результате чего не только был окончательно положен конец кровопролитию в Зангезуре и Карабахе, но и установились братские отношения между азербайджанским и армянским населением этих районов.